

欽定大清會典事例

欽定大清會典事例卷六百二十一

兵部

綠營處分例

漕運

漕運○原定江南江西浙江湖廣糧多路遠運官限內抵通全完者一運加銜一等二運加銜二等三運議敘即升不復加銜至三運後仍按運數加銜山東河南糧少路近運官限內抵通全完者一運紀錄二次二運加銜一等三運紀錄二次四運加銜一等五運紀錄二次六運議敘即升不復加銜至六運後仍按運數相開紀

錄加銜具重運效力武舉係領運江南江西浙江湖廣遠省者每運全完於補官日記錄二次領運山東河南近省者每運全完於補官日記錄一次三運既滿咨部註冊推用○又定運官已經升任遇前任內有應議敘即升者於新任內加銜一等○又定各省漕糧江北各幫限十月內過淮江甯蘇州常州鎮江及廬州幫限正月內過淮江西浙江湖北湖南限二月內過淮山東河南限正月內全數開行其過淮各幫如違限十日者運官捆打二十仍令督運違限

一月者。捆打四十。革職戴罪督運。如現在議處之時。戶部咨到糧已全完者。准免議處。○又定。過准違限革職戴罪督運之員。於完糧後。由總漕題請開復。○又定。各省漕糧。山東河南限三月初一日抵通。江北限四月初一日抵通。江南限五月初一日抵通。江西浙江湖北湖南限六月初一日抵通。均於三月內完糧。限內完糧者。准其議敘。若山東河南江北完糧在三月之外。江南江西浙江湖北湖南完糧逾九月初十日者。均以違限題參。違限不及一月者。罰俸三月。

一月以上者。罰俸六月。二月以上者。罰俸一年。  
三月以上者。降一級留任。內有因過淮違限已  
經議處者。將抵通完糧各日期扣除。免其議處。  
過淮違限十日。將抵通完糧違限  
十日扣除。凡日期多寡。均照此算。領運白糧官  
亦照此例。又定。漕船抵通。運官以通幫之糧  
計算。如有挂欠不及一分者。責二十革職。發南  
限一年追完。免罪復職。不完革職。挂欠一分者。  
責三十。挂欠二分者。責四十。挂欠三分者。責六  
十。皆革職。各按挂欠分數。發南限一年追完。免  
議。不完交刑部治罪。挂欠四分者。責四十。挂欠

轉縱旗丁毆打者皆革職究擬沿途專汛官不  
查拏者降二級調用若已抵天津通州責成天  
津總兵通州副將稽察防範如不行查拏副將  
降二級調用總兵降一級留任如沿途專汛官  
及副將能查拏申報者概免議處已經申報而  
該管之各鎮不查叅者降一級調用○又題准  
運官緣事應革職審擬其未經起程者該督撫  
即行審擬別僉領運已經起程者除命盜等項  
重情即革職審擬至尋常一切註誤俟交糧完  
日押令回省審結○又題准漕船所過地方有

汎兵需索銀錢者。該管官照失察衙役犯贓例議處。汎官需索者。將該管上司照不揭報劣員例議處。需索之人。皆計贓以枉法論。如止收受土儀禮物。係官罰俸九月。兵丁笞四十。若汎官汎兵需索。或旗丁行賄。運官不申報者。照應申不申例議處。知情故縱者。照以財行求律。與旗丁一併治罪。○又題准。官員已僉領運。若抗違規避。誤漕者。革職。○又題准。運官擅准呈詞。拘繫新僉領運之人。以致誤漕者。照誤漕例議處。○又題准。運官攬載客貨及私載己貨者。革職。

若旗丁於應載土宜之外攬載客貨私載己貨運官失於覺察者降一級調用。又議准衛官捏告運官侵糧希圖奪運以致誤漕者革職。又議准運官並非因公羈絆以私事逗遛不親押運至糧船抵通起卸之後始行趕至者皆革職。其因公羈絆於糧船抵通起卸後始行趕到者罰俸六月。至領運北上運竣南旋託故回籍者革職。二十一年題准抵通漕糧有糠粃砂土者領運官革職如無糠粃砂土收糧官抑勒不收者降二級調用。二十六年題准運官巡



察不動以致失火燒毀漕船者降一級調用該  
管專汛官不實力撲救以致延燒別船者罰俸  
一年○二十七年題准運官需索旗丁不遂不  
顧風浪逼渡江湖以致漂沒糧米淹斃人口者  
追埋葬銀給死者之家漂沒糧米著落賠補○  
二十八年題准運官縱容旗丁捉船剝淺漫無  
約束者照例議處○二十九年題准運官領運  
漕糧停泊演戲逍遙任催不理或陵辱牘官強  
開牘板洩水以致誤漕者革職究擬至不按程  
前進沿途脫幫遲誤者降二級戴罪督運若催

趙不力。捏報水淺塘塞者。罰俸六月。○又題准。衛所官解送撥船遲誤。或以朽壞之船應數者。罰俸一年。○又題准。運官領運白糧。私行與人者。革職提問。○四十六年題准。各省旗丁限內過淮抵通全完者。總漕賞給花紅。如抵通交糧於額數之外。有管運三年陸續多交百石者。倉場咨部註冊。管運六年於額數之外。陸續多交二百石者。以及管運二十年雖交糧無多而並無挂欠事故者。均由倉場覈實咨部。給以九品頂戴榮身。○又議准。給有頂戴之旗丁。及管運

之捐納貢監生武生有干犯漕規者與旗丁一例懲治。○又議准運官除犯贓失守軍政糾叅及隱匿逃人之罪者不准以完糧議敘抵銷其因公註誤應降級調用者准以現在議敘之加銜一等抵銷降一級已加之銜不准抵銷議敘紀錄者亦准抵銷俸若罪至革職者不准抵銷。○五十年議准漕糧未經兌完捏報兌完漕船未經開行捏報開行者皆降二級調用。○五十年題准衛所官收兌漕糧多攬糠粃砂土及將漕糧私自改折者皆革職。○又議准旗丁須

僉家道殷實之人由該管千總查實出具保結呈報守備等官覆驗加結如有挂欠將濫行出結之千總守備皆降一級調用○又題准運官抵通無欠倉場給發限單令其即回協同隨幫管押漕船到淮呈驗限單如到淮違限者照規避例革職○雍正二年覆准衛所漕船開行過十二月者罰俸半年過正月者罰俸一年過二月者降二級留任其湖南漕糧限十一月運至岳倉如州縣漕糧旗丁漕船均到水次運官收兌遲延致過十二月者照過二月開行例議處

如能依限過淮題請開復。○三年議准漕船夾帶私鹽者運官降三級調用。隨幫褫革如倚恃漕船任意販載不服盤查者運官革職隨幫責四十褫革。若於該管幫船一年之內並無私鹽者紀錄一次。隨幫於補官日紀錄一次。至回空三次並無私鹽者該管官將隨幫出具印結咨部以千總推用。○四年議准漕船失察私帶礮者該管官降一級調用。失察私帶鳥槍者罰俸一年。○又題准領運漕船若遇風色不順水勢浩大該專汛官與運官公同計議暫停守候即

將守候日時申報上司及總漕於入境出境冊內註明。儻不顧風色水勢催趨前進在河內致有疏虞者。運官與專汎官皆罰俸一年。如捏稱風水未便停泊逗遛者。運官與專汎官皆降二級調用。○又議准漕糧潮溼黴變致有虧折者。運官革職限一年賠補完日送部引。

見請

旨開復不完究追。其居官優者督撫保題留任亦限一年賠補完日開復不完革任究追。○又議准出運旗丁犯罪責令該幫運官拏解有司究治。

如疏縱脫逃及遲延不解者按旗丁所犯輕重照例分別議處。○又議准旗丁攬和水米運官不能查出者革職如隱匿不報革職枷示俟旗丁將糧米賠完日釋放。○十年議准漕船夾帶硝磺者運官照夾帶私鹽例議處。○十三年議准漕船出運遇有風火事故應賠造而擅行雇募者降一級調用應賠造而擅行買補及應買補而擅行雇募者皆罰俸九月。○又議准旗丁盜賣漕糧領運官不能查出皆降一級調用其沿途稽察之專汛千把總失察盜賣米數不及

五十石者一起罰俸六月。二起罰俸一年。三起降一級留任。四五起以上者降一級調用。其有失察一二起。合算米數至五十石以上者降一級留任。一起以至三起。合算米數至百石以上者降一級調用。兼轄遊守失察盜賣米數不及五十石者一起罰俸三月。二起罰俸六月。三起罰俸一年。四五起以上者降一級留任。其有失察一二起。合算米數至五十石以上者罰俸一年。一起以至三起。合算米數至百石以上者降一級留任。專汛兵丁失察盜賣者。每起杖八十。



○乾隆五年議准運官領運薊糧抵薊全完照山東河南近省例議敘。○又議准運官中途遇有降革病故等事該上司委令隨幫代押限內抵通完糧者如在天津以南咨部歸於代押重運班內推用如在北河委令代押者補官日記錄一次。○又議准運官在途患病不能押運詳報所在地方印官會同前後幫運官驗實出具並無假捏印結請委隨幫代押俟抵通完糧後將隨幫分別議敘。○又議准湖廣漕船過淮以後失事賠造不及者將該船暫減一年限一年

修造免其督造不力議處其未經過准以前失  
事者仍按限賠造。又題准頭船尖丁苛派運  
弁串通分肥者俱照因公科斂律計贓治罪。運  
弁知情徇庇者降一級留任。苛派不及十兩者  
罰俸一年。○七年議准領運薊糧有攬和薊州  
白土者照攬和水米例議處。○又議准江南江  
西浙江湖廣遠省運官遇截留漕糧如數通完  
離水次五百里以外者紀錄一次千里以外者  
紀錄二次二千里以外者照抵通全完例加銜  
一等山東河南及不過准之各幫遇截留漕糧

如數通完。離水次五百里以外者。紀錄一次。千里以外者。照近省抵通例議敘。至委運重運。效力武舉及中途代押之隨幫武舉。管押江南江西浙江湖廣遠省截留漕糧如數通完。離水次五百里以外者。補官日紀錄一次。千里以外者。補官日紀錄二次。山東河南及不過淮之各幫截留漕糧如數通完。離水次五百里以外。重運武舉。准作一運。隨幫武舉。准作押空一次。千里以外者。補官日紀錄一次。○又議准漕船隱匿逃人。將不行查拏之運官。降二級調用。隨幫武

舉於補官日降二級調用若回空漕船隱匿逃  
人該運官尚在交糧未經上船者免議。八年  
奏准旗丁不親管運將僉運之衛守備罰俸一  
年運官不能查出降一級留任。又議准戴罪  
督運之員如於總漕題叅未經議結以前能以  
完糧報部者准免議處其已經題結者照過淮  
違限例令總漕於完糧後題請開復。九年議  
准松江。江西湖南漕船過淮准於正限外展限  
十日。十四年題准漕船回次責成隨幫武舉  
約束防範遇有風火等事將職名查叅如有新

運千總接管即將新運千總查叅其減存在次  
漕船千總隨幫不能兼顧者責成該管地方官  
約束防範。又議准漕船丁舵水手應需食鹽  
每船不得過四十斤。有逾數夾帶者運官照例  
議處。專汎官罰俸六月。十五年題准温州衛  
屯租徵收濟運有限內不完者照雜項錢糧例  
議處。○十七年

諭前因江西鉛山等幫沿途使用陋規一案已降旨交  
該督撫河漕提鎮逐一叅劾治罪。今漕運總督來京  
朕命將南漕舊規分別應裁應給各款數目與軍機

大臣等會議將各省漕船陋例分別裁革立定章程通行曉諭遵守。夫因事饋遺藉端勒索均干禁令。況漕糧事關天庾豈容不肖弁役恣行婪賄。但據該總漕酌定規例章程之內即有必不可盡革之處則從前弁役雖借此侵漁而按其情罪究係相沿陋規與營私納賄者有間。所有從前令各該督撫河漕提鎮叅劾治罪之處著加恩寬免。朕辦理諸務輕重自有權衡。裁制全無成見。既經察出弊竇自應禁革而經營承辦必不可已之費亦當酌定條款俾知法守。嗣後各該管上司官不時嚴行稽察如有不肖弁役或

將已裁陋規私自婪收。或於定數之外多行勒索。即據實嚴叅。將與者受者一併治罪。該管官不行揭報。及上司徇隱不即叅劾。別經發覺。定將失察之督撫提鎮等從重治罪。○又奏准南漕舊規。既經酌給有條。裁革有禁。運官旗丁。儻或有婪收勒索諸弊。皆干嚴譴。惟是向來頭幫旗丁。為諸弊叢生之根。則責成頭幫旗丁。是亦剔弊清源之法。嗣後頭幫旗丁。復行科斂。將已裁陋規私自婪收。或於定數之外多行勒索者。令各幫旗丁。於該管衙門呈控。審究確實。計贓分別首從定擬。若運

官及營汛官受賄令該管上司即行叅革治罪。若兵丁受賄運官及營汛官或故縱或失察亦分別題叅。文部議處。至旗丁挾嫌捏控者照誣告律分別加等治罪。○又奏准旗丁盜賣漕糧將運官捆責四十數至五十石以上者降一級一百石降二級皆調用。二百石者革職。○十八年議准武職加銜既經刪除嗣後運官領運遠省者一運全完加一級二運全完加二級三運即升近省一運全完紀錄二次二運全完加一級三運五運與初運同四運與二運同六運即



升所加之級准其隨帶。○二十三年覆准糧船被竊該旗丁呈報本幫運弁移知該地方官緝賊即隨幫前行不必守候至強劫重案候該州縣會勘畢立給印票催趨前行並將被盜守候緣由報明漕督及巡漕御史後查覈有不肖兵役勒指需索照在官人役取受有事人財計贓以枉法科罪該管千把總照失察衙役犯贓例議處。○又覆准糧船水手犯命盜之案領運官均降一級留任如係行竊每案罰俸三月。○又覆准漕船停泊之後空運重運千總率領本

幫丁舵人等輪流防護遇有盜案領運官每案  
罰俸一年竊案每案罰俸三月儻有隱諱分別  
強竊照例議處○又覆准糧船經過汎地如有  
強劫之案將專管武職照城內民舍被劫例初  
叅住俸二叅降一級調用未獲賊犯交接管官  
勒限緝拏○又覆准糧船空運重運千總各准  
帶鳥槍一杆仍令漕督衙門編列字號責令空  
運重運千總自行收存以備稽查如有私行多  
帶者照例議處○二十四年

諭各省漕船北上雇募緯夫應聽運弁自為酌辦如有

兵丁藉端抑勒以老弱充數橫索雇值者即時查拏究治並將失察之該管將弁題叅議處○二十五年奏准漕船食鹽有逾數夾帶者專汛官不實力稽查罰俸一年○又奏准漕船自淮安至天津計程二千三百五十餘里沿途州縣專汛各官於衛所重運北上催令出境如原限半日而違限一時原限一日而違限兩時原限一日半而違限三時原限兩日而違限半日原限四日以上而違限一日原限六日以上而違限一日半原限十二日而違限二日者專催官罰俸一年

督催上司罰俸半年。如原限半日。而違限三時。原限一日以上。而違限半日。原限兩日以上。而違限一日。原限四日以上。而違限兩日。原限六日以上。而違限三日。原限十二日。而違限四日。者。專催官降一級調用。督催上司罰俸一年。如違限之期。與原限之期相等。專催官降二級調用。督催上司降一級調用。如違限之期。逾於原限之期。專催官革職。督催上司降二級調用。其回空漕船。如遇逆流。其間設有牘壩蓄水之處。俱照重運定期。無牘壩之處。原限十二日。改限

九日原限四日改限三日原限三日改限二日  
原限一日半改限一日又順流有牘壩之處亦  
照重運定期無牘壩之處原限半日改為三時  
一日改為半日四日改為兩日五日改為兩日  
半如有不行力催以致違限沿途文武官弁並  
隨幫官俱照催趲重運例議處自天津以北至  
通州俱係逆流重運糧船每二十里限一日其  
回空船隻係順流每五十里限一日山陽以南  
至浙江其重運糧船如順流每四十里限一日  
逆流每二十里限一日回空船隻如順流每五

十里限一日。逆流每三十里限一日。如有違限。催趨領運官員。按違限日期。俱照前例議處。湖廣江西並江南等處。自長江以至儀徵。皆由大江。因風輓運。難以逐程立限。該督撫飭該地方文武各官。凡重運回空。俱作速嚴催出境。其自儀徵至天津。如有違限。俱照前例議處。設有非常風阻。冰凍淺滯之事。難以勒限。俱令報明免議。○又奏准。漕船到通完糧。如違定限不及一月者。領運官罰俸六月。一月以上者。罰俸一年。二月以上者。降一級留任。三月以上者。降一級。

調用。又奏准運弁限內抵通全完者遠省三運近省六運屆滿該漕運總督秉公考覈如果人材出衆踴躍急公出具切實考語送部引

見分別營衛入於議敘班內先行升用如係循分供職運滿無誤照舊調取引

見分別營衛入於議敘班內照例升用若三等之員因循完公運滿報部照例准其加級不准歸於議敘班內升用四等之員即行咨部斥革每年總漕於八月內將上年應敘各弁彙報戶部戶部查對倉場冊籍實係通完彙咨兵部定議若

升任後遇前任內有加級紀錄議敘。准其於新任內加級紀錄。如有過准違限之員抵通全完。俟總漕題請開復後再行咨請議敘。若所管幫內抵壩起交有一丁挂欠。即勒限全完。不准議敘。○又奏准糧船在通句買米石抵補虧缺者。通水道並通州知州查拏究治。若將本幫衆丁交贍食米完。公領運官免其責革。仍罰俸九月。○又奏准滿號漕船奉派承造。其有託故推諉。並日久不告竣者。該管官督催不力。及朽爛船隻不估價申報。皆罰俸一年。○又奏准承僉千



總守備如將丁冊無名之人混行僉補罰俸九  
月。又奏准糧船在內河失風捏報大江黃河  
領運官降一級調用。又奏准船已滿號本丁  
自雇民船遇有風火事故聽其換船裝運糧米  
交納無虧失防領運官免其議處。又奏准漂  
沒糧船由沿途催趲各官及汛地文武官員親  
臨確勘各出保結取具運官結狀該督撫勘查  
具題到日照例豁免如運糧官丁將未經漂沒  
糧船訛報漂沒並故將船放失漂流及雖係漂  
流損失不多乘機侵盜者照例治罪米石照數

賠補其沿途催趙各官及汎地文武各官不將情由申報者降一級調用如督撫不嚴查確實遽行題豁後經詐冒事露將具題督撫降二級調用。又奏准糧船如遇淺閣事故領運官不即申報者罰俸六月。又奏准糧船提溜打牒兵役夫頭勒添短絳多索夫價從中取利該管地方武職漫無覺察者照失察衙役犯贓例分別議處扶同徇隱者照縱容衙役犯贓例革職至丁舵人等雇覓短絳不照定價給發以致滋事領運官不行查出降一級留任若該管各官

自行查拏者均免議。○又奏准旗丁潛逃運弁  
即行報衛移縣該縣衛以文到之日起限百日  
內拏獲免議如逾限不獲將承緝專管衛所官  
罰俸一年其協緝之州縣及原係州縣承僉者  
咨送吏部議處。○又奏准漕糧起剝該丁正副  
分身管押不得離幫該領運守備千總沿途營  
汛千把總嚴行約束稽察儻有偷漏情弊均照  
盜賣漕糧例議處。○又奏准旗丁不親管運隨  
幫武舉明知不行申報照應申不申律罰俸六  
月。○又奏准糧船到淮遇有短少該漕督即審

明題叅米石留旗丁兄弟子姓一人交與監兌  
官購買趕幫兌交押運官並領運千總出具並  
無短少甘結呈報如領運千總捏具甘結者降  
二級調用。又奏准旗丁於應載土宜之外攬  
載客貨私載已貨運官失於查察者降二級調  
用。又奏准隨幫武舉管押回空船隻擅行離  
幫者罰俸六月。又奏准頭船尖丁苛派各船  
銀兩運弁串通分肥者題叅審擬計賊以枉法  
論知情徇庇者照縱容衙役犯贓例革職失於  
覺察者照失察衙役犯贓例分別議處。又奏

准各省回空漕船限十一月內齊到兌次。如有逾限者。照漕船到通違限例議處。○又奏准幫船兌運水次。已經題明後。混行私調者。領運官罰俸一年。○又奏准私借減歇船隻裝運漕糧者。領運守備千總及該管守備千總均罰俸一年。○又奏准領運官有升遷患病事故。在途離幫。總漕題參過淮違限。照離任官例罰俸一年。○又奏准各省漕船遇有失風事故。本年新漕准其雇募一次。俟次年賠造兌運。○又奏准運糧官員因公註誤降級調用者。准將完糧加級。

抵銷免其降調。又奏准糧船回次及減存在次遇有事故將該管地方官開叅失風罰俸一年失火降一級調用。又奏准糧船不許創取白土及向沿河鋪戶偷買上船如經拏獲審實該運官及押空千總俱革職丁舵交刑部治罪地方專汛千把總不行嚴查禁止罰俸一年。又奏准糧船經過汛地遇有竊案照衙門被竊例贓未滿貫者罰俸一年賊犯照案緝拏贓已滿貫者罰俸一年限一年緝拏限滿不獲罰俸二年賊犯照案緝拏。二十七年覆准旗丁逃

匿向照漕糧挂欠承僉官濫行出結降一級調  
用例議處嗣後湖南荊州荊左荊右沔陽四衛  
由湖北僉丁及湖南三幫內有四船旗丁由湖  
北武昌左衛僉丁者如有僉定之丁中途脫逃  
將承僉之守備降二級調用雖有加級紀錄不  
准抵銷○三十五年奏准旗丁盜賣糧米沿途  
專汛千把總一年內能拏獲二起者紀錄一次  
兼轄遊擊等官於所轄境內一年內拏獲至四  
起者紀錄一次再有多獲照此遞增○三十六  
年覆准漕船北上江廣各幫過淮時由漕運總

督實力查驗。山東河南等幫由各該巡撫轉飭各糧道一體查驗。除應帶土宜額數之外。毋許絲毫多帶。仍嚴飭各運官弁切實稽查。毋許中途包攬商貨。及隱藏貨物。違者將旗丁照例治罪。運官照例議處。至漕船抵楊邨後。如遇河水淺阻。先將應帶土宜貨物儘數起撥。如尚阻滯。再行酌量起剥糧石。並責令直隸總督遴委明幹同知一員。於楊邨會同總漕所派守備千總及運員幫員等嚴密稽查。照例將貨物盡行起剥。不許絲毫存匿。至漕糧抵通後。交倉場侍郎



查察儻仍有貨物在船即行究明將旗丁分別治罪委查之員一併議處。○三十九年奏准漕船丁舵人等於食鹽定數之外多行夾帶如並非產鹽地方該汛員弁免其查叅。○又奏准糧船夾帶私鹽除將運官及隨幫武舉照例議處外至回空糧船如運弁交糧後例應引

見及委辦公事不能趕幫者免議其託故逗遛無論是否在幫仍應將隨幫武舉一體叅處。○四十年覆准司漕官員責任各有專司處分自應區別如安徽江西湖廣等省監兌官例在水次

驗兌並不押幫赴淮。僅查原兌本屬好米。中途不能勤加風晾。甚至舞弊攙和。皆非監兌官員所能查察。止應將在幫各員叅處追賠。其江蘇浙江二省。即以監兌之員押運抵通。應與督押領運等官一體查辦。若係原兌米色本屬平常。過淮之時。經漕臣盤驗確實。經管各員均難辭咎。即將該管道府及監兌押運各員并一體嚴叅議處。仍將各該員分別立限追賠。其過淮以後。已經驗明好米。應專責押運員并照料。如有以微暗之米交倉。則係該弁丁等不能勤加風

瞭所致。即將該幫員弁叅處。並將不堪米石著落追賠。○四十二年覆准。重運漕船正供攸關。未便片刻稽延。如遇空重幫船行抵牖口。均屆出入之際。應令空船於河面寬處停讓。俟重運船隻每幫船尾船全行出口。再令回空船隻挨幫進牖南下。其滿號回空應造之船。先行造冊詳明。並船尾書寫打造字樣。每起不得過五隻之數。於重運尾幫出口後。即令先為越幫進牖。俾得及早抵次。赴廠成造。應責令該管廳員駐宿河干。專司彈壓。道員往來稽查。遇有搶牖滋

生事端者。立即嚴拏究治。儻不稽查彈壓。仍有搶牘等事。兼管廳員。照約束不嚴例降一級調用。統轄道員。照失於查察例議處。儻牘官故意留難勒指。一經運員詳報。亦即照例揭叅以專責成。○又覆准糧船遇有失風之案。除大江牘河及內河失風。僅止三隻。並仍係原船復載者。仍照向例辦理外。其在內河失風至三隻以上者。運弁降一級調用。五隻以上者。運弁革職。旗丁各杖一百。枷號一月。如有捏報失風。審實從重定擬。至盛夏之時。儻遇雨水驟發。衝壞數隻。

者由該督及巡漕御史

後裁

查明實在情形奏明

分別辦理。

○四十八年覆准嗣後各省州縣衛

幫承倉運丁均以奉文僉派之日起限兩月僉解並查明該丁田地房產造具細冊呈送總漕衙門存案以備該丁設有虧欠即可變產賠補。僅違限兩月僉解不到及查出原造田地家產冊結不實致有遺漏混開者即將承僉之員據實叅奏。照有意誤漕例從重議處。若僉派雖未逾限而僉派之後查明實係賣富差貧以致貧乏之丁到幫誤公滋事或於管運後棄船脫逃。

或已革之丁。重僉復入。以及徇情出結。混以軍丁。改入民籍者。將承僉之員。據實叅奏。照僉選不實中途脫逃例。降二級調用。雖有加級紀錄。不准抵銷。該管上司。照失於查察例。一併交部分別議處。○四十九年。奏准漕船舵工水手。私將姦匪勾留容隱。串同盜竊。失察之該運千總。降二級調用。該運千總。能拏獲別幫別案尋常盜犯者。即照營員緝獲別汛夥盜之例。每名紀錄一次。拏獲別幫盜首。及破盜竊積案巨富者。漕運總督於該運千總交糧事竣後。即照拏獲

鄰境盜案之例分別辦理。○五十七年奏准漕船在牯河內河失風及冰凌擦損沈溺領運之弁每隻罰俸一年至一運內失防漕船先後接算在三隻以上者運弁降一級調用五隻以上者革職。○五十八年

諭近年以來各省漕船已復冬兌冬開例限回空船隻自應趕緊抵次受兌但沿途情形仍須量為催趲如遇大江風汛難以駕駛亦可令其停泊港汊暫時等候若惟知促迫為事勢必冒險開行運船漂沒未必不由於此且回空船隻該管運員及運丁等皆未免

意在急情。或吝惜雇價。將熟識水手散遣。止留不諳  
駕駛水手數人。遇有緩急。全不足恃。而押運員弁。或  
因思家念切。先行回署。並不在船督率。以致有船隻  
失風之事。著通諭各該督撫。嗣後漕船過境。務須飭  
令沿途各員。酌量情形。催趲不可過於急迫。令涉險  
失事。亦不得因有此旨。任其逗遛。以致遲逾定限。其  
押送回空船隻。運員運丁等。如有情弊。即應嚴行叅  
辦。庶漕務不致遲延而行止亦昭慎重。○五十九年  
奏准僉保旗丁。僅清查產業未實。混行造冊出  
結。以致貧乏之丁。到幫誤公滋事者。將承僉及



清查之千總守備均照徇情例降二級調用。儻有故縱殷富軍丁竄入民籍並將田產代為隱匿脫漏者一經發覺將衛所官弁叅奏革職發往新疆效力贖罪。永不敘用。失察之糧道知府亦一併革職不准捐復。其營謀脫漏之本丁發往黑龍江給予兵丁為奴。該丁之弟兄子孫仍編入軍籍僉派辦運。○又奏准重運漕船在牘河失風及回空漕船失風俱每隻罰俸一年。毋庸按隻接算。○又奏准江西糧船開行時巡撫及糧道派委妥員帶領兵役於贛水十八灘以

下至鄱陽湖中溜兩旁分頭插柳標記深淺。儻船隻經由有走出標外以致淺闇者除運丁完治外將領運之弁照漕船失風例議處。○六十年

諭各省小錢屢經降旨交查並予限收繳糧船限期緊迫雖難停泊候查但過淮僉盤時其船中有無小錢無難一望而知但各幫到楊邨暫泊待撥時亦可順便抽查除就近傳知倉場侍郎外並著交漕運總督一體嚴密查驗如該侍郎總漕並不認真妥辦任令幫船仍前夾帶使用別經發覺惟該侍郎總漕是問

○嘉慶六年奏准漕船未滿年限遽請成造及尚未朽爛之船詭報朽爛或朽爛之船估報不實者將衛所官降二級調用若將已屆滿限之船留於水次另雇民船出運者將衛所官照違令公罪律罰俸九月○又奏准漕船所過地方有汛官需索銀錢者失察之該管官降一級調用統轄官降一級留任○又奏准遠省三運近省六運屆滿人員該漕運總督照舊出具考語報部由部查覈三運六運俱係抵通完糧並無中途截留及失風挂欠等事准其列為一等咨

部議敘兵部具題奉

旨後始准給咨送部引

見分別營衛入於議敘班內先行升用如係循分供職運滿無誤列為二等入於議敘班內照例升用○又奏准漕糧到通各省原有定限如有逾限將領運官查明在途遲延次數分別議處一二處逾限者罰俸半年三四處逾限者罰俸一年五六處逾限者降一級調用七八處逾限者降二級調用十處以上者革職在途遲延而抵通未逾限者免議○又奏准回空漕船過境如

有夾帶硝磺在於地方私賣及於各省產硝磺地方私販出境地方武職不行稽查該汛專管官每一起降一級留任兼轄官罰俸一年。又奏准交倉漕糧潮溼以致沿途黴變虧折者除將領運官照例議處外督催官降一級完日開復不完照所降之級調用若止失於風暘以致潮溼尚未黴變者後經風暘乾潔入倉並無虧折將失於風暘之領運官按其在通州風暘日月照完糧違例分別議處至米色黴變雖有虧折領運官能在通州即行賠補全完者免議

○又奏准漕糧挂欠。作為十分分賠。總漕半分。糧道一分。監兌官半分。倉丁衛所官半分。押運官半分。運官一分半。旗丁五分半。總漕等官。如不於限內賠完。照不作分數錢糧例議處。弁兵分賠米石。如限內不完。仍著落總漕糧道等官賠補。○又奏准各省成造漕船。先行咨部。每船額給料價銀兩。俱令糧道親身如數給發。取具各弁丁並無需索剋減甘結。送部。儻有侵扣等弊。總漕查明題參。將捏具甘結之員。降二級調用。糧道交吏部查議。○又奏准漕船出運。遇有

風火事故。應買補而擅行雇募者。降一級留任。  
應雇募而擅行灑帶搭運者。罰俸九月。○又奏  
准。凡抵通遲延之船。倉場勒限交糧回空。不得  
有誤。新運其不能依限回空者。令總漕查明該  
省減存船數。依限兌運開行。如無減存船。即將  
本省漕船搭運。或本省漕船不能搭運。即捐輸  
雇船。依限兌運開行。其遲延船隻。來年開凍時  
沿河文武官員。嚴催抵次。如有不行。雇船依限  
兌運開行。即將糧道監兌州縣及衛所等官題  
叅。違限一月以上。罰俸六月。二月以上。罰俸一

年三月以上降一級調用。如不嚴催抵次。即將沿河催趲回空之文武各官題叅。照催趲漕船違限例覈計遲誤時日分別議處。○又奏准漕船失事運弁隱匿不報盜案降一級調用。竊案罰俸六月。○又奏准無賴棍徒率領短絳多索價值與丁舵水手人等聚毆成傷。地方武職不能彈壓者降一級調用。自行查拏者免議。○又奏准重運漕船抵通未經逾限。其沿途催趲逾限之員俱免議。回空漕船逾限不誤冬兌冬開者催趲官亦免議。○又奏准漕船失風既經屏



救修艤風息水平。不立刻催趲出境。藉詞守候。任其停泊。或捏稱風水未便停泊。逗遛者。運官照舊議處。地方官降一級調用。○又奏准漕糧因失風挂欠。例准通幫餘米抵補。其並無餘米可抵及抵補不能足額。實係無力在通完交者。准運官呈明倉場衙門咨報戶部。令其趕緊回南買補搭運。若不行呈明率行帶丁私回。由倉場衙門行查總漕。如係託故繞道回籍。將該弁革職。若已管押幫船到淮。趕赴水次買補者。按其所欠米石分別議處。如挂欠五十石以上。罰

俸一年一百石以上降一級留任二百石以上降二級留任三百石以上降三級留任俟次年搭運抵通全完之日開復若不將所欠米石於次年如數完交者即照所降之級調用○又奏准山東省自備民船及各省漕船因風火事故雇募者俱按時價給發不得濫行強掣苦累百姓若漕船應行出運無故自雇募者將領運員弁降一級調用○又奏准夫風事故漕船除山東省自備船隻照舊雇募濟運外其餘各省漕船或至五六年或未至五六年有風火事故者

均責令旗丁賠造。如賠造不及。准其暫雇民船  
兌運一次。緩至次年賠造。儻遇新漕已屆賠造  
不及。准其暫行灑帶。於回次時賠造。運至七八  
年而有事故者。責令買補。如買補船隻。至九運  
復有事故。並軍船九運而有事故。以及朽腐者。  
均令雇募寬大民船一次。以足十運。如七八運  
而無故朽腐者。亦責令賠造。十運限滿。准其給  
價配造。總漕每年將應行雇募買補船隻。咨部  
查覈。儻有將賠造補運之船。接算原船出廠年  
分。而減存年分。不行扣除。混行詳請者。將衛所

官降二級調用。又奏准領運官員巡察不謹以致失火燒毀漕船除照例議處外船隻米石俱著落領運弁丁賠補若能搶獲米石無虧到通全完者降一級留任船隻仍著落領運弁丁賠補至地方武職撲救不力延燒別船者每隻罰俸一年。又奏准搭解舊欠漕糧均按原欠米色交兌搭運過淮時總漕盤驗儻有搭運之米與原欠米色不符以及運官將來麥豆雜糧等項接受以新糧抵解或不隨正米交船過淮後用小船趕送者總漕查明題參將領運官弁降

一級調用。又奏准糧船回空由通州至天津每船限定帶錢三串。儻該船內家口較多者准其零星易換使用。責令押空千總逐船查察。並令張灣通判務關同知楊邨通判節節防範。天津總兵於過關查驗私鹽之時一併稽查。步軍統領倉場各衙門巡查御史等不時訪察。儻該船於定數之外有多帶錢文者。該同知通判運弁等俱罰俸一年。又奏准各省旗丁嗣後管運十二年並無挂欠事故者。由倉場覈實咨部給以九品頂戴榮身。又奏准直隸河間天津

沿河武職員弁各按本管河岸於糧船入境之日起回空之日止一體查拏盜賊如能獲破大案分別議敘遇有疏防失事降一級留任至該地方專汛官不得因有他員協緝輒行委卸如有失事仍照疏防例議處○十二年

諭山東壽張營遊擊周開第收受南糧各幫船餽送米酒等物已交楊志信審擬具奏矣漕糧為天庾正供各幫輓運北上所有沿途經過地方該營員等自應實力催趲妥為照料俾得迅速通行不容私通餽遺乃周開第所受米酒等物手摺登記已有五十餘幫

均經致送。竟成相沿陋規。試思漕船輓運。經由處所。遠近不一。沿河員弁。隨在皆是。今周開第一人如此。則其他可知。是該旗丁等於幫船開運之時。即須先將應送酒米等物。豫為備辦。無怪受兌則浮收漕糧。抵壩則短缺米石。且各幫因裝載土宜過多。行走亦皆濡滯。糧船弊竇。恐不免由此叢生。不可不加意剔釐。以肅漕政。著漕運總督倉場侍郎。及有漕省分各督撫。通行飭諭各員弁等。務須潔己奉公。毋蹈周開第履轍。儻經此次訓諭後。仍有私受餽遺。盭盭不飭情事。即著據實嚴參懲辦。○又議定各省漕船抵通。

有因額米不足。米色黴變。聽該旗丁自買本幫  
餘米。抵補交倉。如有姦商漁利。把持包買者。將  
不行嚴查禁止之地方。專管官罰俸一年。又  
奏准衛所員弁。押運漕糧中途如有失風失火  
事故。由總漕一面將失事船隻數目咨報戶部  
查覈辦理。一面將失防職名咨報議處。仍令該  
總漕於年終將失事船隻數目造冊咨報。以憑  
查覈。又議定嗣後漕船在內河失風如係未  
滿十運之船。果能屢救修固。抵通糧無虧拆。或  
船滿十運已屆修造之期。雖不能屢救。止將漕



糧買補全完者。領運官免其議處。沿途催趲官亦免其處分。如船雖滿運而未有挂欠。及未滿十運之船。不能肩救。米有虧折。雖買補全完。領運及沿途催趲官。仍照舊例議處。○二十三年

諭

前據潤祥等奏。南糧頭進興武頭幫米色攪雜。徵變當經降旨。交刑部審訊。據該幫運丁王廷珠等供明。承運無錫陽湖二縣漕米。受兌之時。經領運千總孫文秀驗明米色堅好。行抵淮關。經總漕盤驗。並無徵變。攪雜。因在途鬱蒸。徵變起剥多次。將氣頭攪在好米之內。以致米色攪雜。已將該運丁等分別治罪。失

察之千總孫文秀。總運通判陳元齡。交部察議。茲據李奕疇奏米色黴變。雖由沿途未加風瞭。然果水次兌交好米。何致遽行黴變。請將該領運千總革職。交刑部歸案審辦。經徵之無錫縣知縣韓履寵。陽湖縣知縣李廷弼。監兌通判陳元齡。交部分別議處。並自請議處等語。漕米未兌以前。責在州縣。既兌以後。責在旗丁。此案米色黴變。攙雜業經刑部訊明。係在途蒸鬱起剝所致。事在既兌之後。自應將運丁治罪。千總通判交議。今該漕督乃以米色本未乾潔。請將經徵之知縣議處。即使其言屬實。當受兌盤驗時。何以

不早行叅奏。迨至事後追究。豈足服該員等之心。領運千總孫秀文。押運通判陳元齡。著照前議辦理。知縣韓履寵。李廷弼。均毋庸議處。李奕疇。辦理前後矛盾。著交部議處。○道光三年奏定。漕船經過沿途地方。各官催趲出力。經該督撫奏請議敘者。給予紀錄二次。○又奏定。經理民事之衛弁。其屯丁居住州縣地方。犯有命盜等案。該州縣一面移會衛所。一面嚴行緝拏。限滿無獲。該督撫題叅疏防。將承緝州縣官與衛所官弁一併列叅。照例議處。如衛所官弁因州縣既有責成。徇庇屯

丁故意推諉者。許承審官揭報該督撫題參。照  
徇庇例降三級調用。其不經理民事。專管漕運  
者。遇有命盜等案。責令該州縣提拏究審。疏防  
承緝止將該管州縣參處。管運衛弁均免其開  
參。至於出運之丁。如有事犯。即著落領運該幫  
守備千總拏解有司按律究治。若疏縱脫逃。並  
遲延不解者。該督撫查明題參。按該丁所犯之  
輕重。照例分別議處。○九年奏定。江南浙江江  
西湖廣遠省運弁一運全完。加一級。二運全完。  
再加一級。三運全完。分別議敘。至三運後。仍准

照前按運加級。山東河南近省運弁一運全完。紀錄二次。二運全完。加一級。三運全完。紀錄二次。四運全完。再加一級。五運全完。紀錄二次。六運全完。分別議敘。六運後。仍准照前按運加級。紀錄。所有加級。俱准隨帶。其遠省三運近省六運。屆滿人員。該漕運總督秉公考覈。如果人材出衆。踴躍急公。出具切實考語。報部。由部查覈。遠省三運。近省六運。俱係抵通完糧。並無中途截留。及失風挂欠等事。列為一等。如係循分供職。運滿無誤。列為二等。均咨部議敘。兵部題明。

准其給咨送部引

見奉

旨後始准送部引

見分別營衛一等以衛用者入於衛守備一議敘班  
內升用二等以衛用者入於二議敘班內升用  
如以營用者均歸單月營守備班內升用如有  
已因軍政卓異俸滿等項業經引

見分別營衛升用者毋庸再行送部若係三等之員  
運滿報部照例准其加一級不准歸於議敘班  
內升用四等之員即行咨部斥革其重運效力

武舉係領運江南浙江江西湖廣遠省者每運全完於補官日紀錄二次領運山東河南近省者每運全完於補官日紀錄一次三運運滿即行咨部註冊推用漕運總督每年於八月內將上年應敘各弁彙報戶部戶部查對倉場冊籍實係通完彙咨兵部定議若升任後遇有前任內加級紀錄議敘准其於新任加級紀錄如有過准違限之員抵通全完俟漕運總督題請開復後再行咨請議敘若所管幫內抵壩起交有一丁挂欠即勒限全完亦不准議敘。又奏定

糧船水手。除犯尋常命案及丁舵水手人等聚毆成傷。旗丁水手沿途生事。擾害領運。及地方武職各官。失於查拏。仍各按定例辦理外。如有設立教名。斂錢聚衆。殘殺多命。傳發溜子。欺凌運官。橫索旗丁等事。領運押空。及地方武職各官。有藉詞慎重。畏葸不拏者。均照溺職例。革職。如能將人犯立時拏獲。究辦者。免其失察處分。其辦理妥速之本管官。每一名給予紀錄一次。四名加一級。再有多獲。以次遞加。至同案未經獲犯之員。由該督撫查明。果無諱飾。規避情事。



仍照本例酌減議處。○又奏定糧船北上南下在船水手人等均責令重運與押空各弁一體約束稽查。儻沿途生事俱按例一體議處。如領運之弁到通交糧後例應引

見及委辦公事不能趕赴幫次者在船水手人等專歸押空之弁約束。並責令武職大員嚴飭沿途地方武職實力稽察。儻沿途生事專處押空之員。並地方稽察之武職其不在幫次之重運官免議。○十三年奏准豫省漕糧向歸直隸山東江南三省之通州等十幫領運。豫省糧道督押

赴通其各幫弁限於每年九月赴次責成豫省糧道管轄凡有遲逾及抗玩誤公者悉由該糧道就近詳揭河南巡撫覈辦其有記過扣運並急公出力應行獎勵者統俟漕竣由該糧道分別開單呈送漕運總督衙門察覈分飭各該本道存案至押空千總並由漕督揀選明幹之弁先期派往以備重運或有事故差遺委用該空運是否得力亦由該糧道分別功過詳送漕運總督辦理○十九年

諭御史尋步月奏請禁漕船夾帶私貨一摺漕船攜帶

土宜均有定數。不准逾額。據奏山東臺莊姚灣等處  
姦商囤積私貨。於各幫經過之時。用價雇載。至直隸  
故城縣鄭家口卸賣。每船裝載至七八百石之多。雖  
經官為禁止。而荒僻之地。夜靜之時。姦商仍將私貨  
夾帶。衛弁牘官得有陋規。通同隱飾等語。以運載正  
供之船。為姦商劣丁之利藪。不肖官弁得規包庇。以  
致船身笨重。喫水較深。偶遇牘河水淺。輒即阻滯難  
行。近年重運漕船行走不能迅速。未必不由於此。著  
漕運總督山東直隸各督撫。於各幫渡黃以後。密派  
幹員認真抽查。儻遇前項弊端。即將旗丁姦商從重

治罪私貨變價入官。失察員弁分別叅處。如有得規故縱情事。立即嚴叅懲辦。毋稍姑容。又另片奏衛弁旗丁。往往吸食鴉片。地方官難於周察。獲案甚多等語。著漕運總督分飭各省糧道認真稽查。遇有衛弁人等沾染惡習。即照新定章程嚴叅重治。儻意存瞻徇。延不究辦。日後別經破案。定將失察之該漕督及各糧道一併嚴懲不貸。○二十七年

諭。戶部奏運弁坐船跨帶木植。據江西九江關申報。請飭查禁等語。本年湖北三幫漕船。例外多帶木植。已屬違例。乃該省押運千總坐船兩旁。亦各跨帶木植。

何以禁幫丁包攬之弊著該督撫卽向九江關查明該幫千總何員違例據實嚴參嗣後並著各該省督撫及漕運總督於漕船出運經過之時實力稽查嚴行禁革如仍有漕船及幫弁坐船違例私帶貨木者卽著從嚴參辦以肅漕政○二十八年奏准衛守備於僉委正副軍丁不查明案據是否軍籍有無屯產軌據軍丁誤報率僉民籍充當正副軍丁承辦運務致受賠累衛守備降二級留任不准抵銷○又題准漕糧由海運抵津至通交倉督押放洋及彈壓出力之員交部議敘者各給予

加一級。二十九年

諭德誠吳鍾駿奏請將米色潮溼及行走遲延各幫弁並催趲不力之營汛各員弁分別革職摘去頂戴一摺。浙江台州前幫米色潮溼而失風之米為數亦多。該幫千總胡廷彪不能約束丁舵致旗丁有攙和使水情弊。迨經坐糧廳查驗飭令趕緊挑晾又不趕緊督辦。由來此等劣弁雖經懲治永不悛改可恨已極。胡廷彪著即行革職永不敘用。並著該部存記。嗣後有似此者即著按此懲辦毋稍寬縱。仍責令總運桂林嚴飭該幫弁丁將溼米認真挑晾。儻有短少即行

嚴叅。溫州前幫千總王民彤押運行走。沿途逗遛。以致在後幫船不能前進。其沿河司漕營汛並不實力催趲。以致通壩停斛守候。均屬延誤。千總王民彤署張灣營都司祥山。通協左營守備萬善。楊邨汛千總汪治平。務關汛千總馬翰忠。署蔡邨汛把總王永楨。蒲溝汛把總沈俊魁。馬頭汛把總張得洋。安平汛把總孫大謀。著一併摘去頂戴。至總運桂林未能實力督飭。亦屬顛預。著交部議處。○咸豐五年議准督運米石。在洋遭風。及在途被劫。致有損失。雖經分賠。而不趕緊雇船裝運。彼此推諉者。降二級戴。

罪督運該管大臣查明如能依限運完題請開復。○光緒十三年奏准倉場衙門保獎巡糧出力人員大通橋所調京營武弁每屆止准奏保十七員其通州辦運出力武弁並未議定額數嗣後該衙門保獎每屆不得過五員如有逾額者即將單內列名在後之員奏請撤銷以杜浮濫而昭覈實。



欽定大清會典事例卷六百二十二

兵部

綠營處分例 奏章文冊 儀制 印信

奏章文冊○順治初年定。提鎮將慶賀表箋遺忘。推諉不奏。或將字樣舛錯遺漏者。均罰俸一年。不列職名。失用印信。及用印歪斜。模糊顛倒。繕寫潦草。破裂染汙者。均罰俸六月。○康熙十一年題准。提鎮本章緊要之字。貼黃內遺漏。貼黃所有之字。本章內遺漏。或疏冊互異者。皆罰俸三月。○又議准。提鎮將督撫職掌之事。擅自

題奏者。罰俸三月。越叅文職者。罰俸一年。所叅之事不議。○又議准。提鎮有不係密事妄稱密奏。及借公行私。以私事具奏者。降二級調用。至一應本章。有不應密而密者。罰俸六月。○又議准。前任官題奏准行之事。續經題奏停止。後任官不查停止緣由。仍照舊行者。罰俸六月。○又議准。武職各官。將

敕書

誥命質當者革職。其

敕書

誥命及劄付關防收藏不謹。以致朽爛並損壞者。罰俸六月。如被水火盜賊毀失者免議。均仍補給。○三十八年議准。提鎮不許於遺本內薦舉屬官。○四十二年議准。督撫提鎮會題之事。有因錯謬遲誤。奉

旨議處者。查明孰係承行具題。孰係列名具題。分別輕重議處。如承行具題官例應議以革職者。將列名具題官降四級調用。承行具題官降級調用者。列名具題官降一級留任。承行具題官降級留任者。列名具題官罰俸一年。承行具題官

罰俸一年者。列名具題官罰俸六月。承行具題  
官罰俸六月者。列名具題官罰俸三月。承行具  
題官罰俸三月者。列名具題官免議。○又覆准  
督撫提鎮會議之事。並未會議畫題。捏稱合辭  
具題者。罰俸六月。○又議准革職降級之武職  
各官。以冤枉控告者。如果有冤枉。該督撫提鎮  
方許題奏。如將並無冤枉之事。混行題奏者。將  
督撫提鎮降一級留任。轉詳官降二級調用。若  
將實無冤枉之事。並不詳查推卸咨部者。將具  
咨之督撫提鎮罰俸一年。○五十三年議准。各

省提塘除傳遞公文本章並奉

旨科鈔事件外其餘一應小鈔概行嚴禁違者照刷  
造小說淫辭例革職治罪。○雍正五年議准凡  
提鎮本章事關緊要者將副本揭帖用密封字  
樣封固投遞通政使司咨呈各本部院公文有  
關緊要之事者亦密封投遞在京各部院有緊  
要之事咨劄各省提鎮亦密封發遞該提鎮親  
拆收存至提鎮與督撫並屬官往來公文係緊  
要之事亦用密封投到親拆收存如將應密之  
事不密以致漏洩重者降一級留任輕者罰俸

九月。○六年議准。提鎮辦理大小公事。均用題本。鈐印。本身私事。均用奏摺。不准鈐印。如有應用題本而用奏摺。應用奏摺而用題本者。罰俸三月。○又議准。提鎮等題奏本章。如奉

旨飭行者。遵

旨飭行。若奉

旨交部察議者。將該提鎮等照在京各衙門錯誤本章例。罰俸一月。○九年奉

旨。文武官有將地方不可施行之事。妄行條奏舉行。經後人復請更改者。將原奏之人交部議處。儻原奏本

是而後人妄行指摘。或有意翻案者。經朕察出。亦必從重議處。將此永著為例。○十一年議准。提鎮摺奏之事。奉有

硃批諭旨。於下次奏事之時。封固恭繳。儻任意遲延。及隱匿不繳者。革職。○乾隆三年奏准。提鎮官本身病故。任內有應繳

硃批。如子孫隨任者。即於原任省分督撫提鎮就近代為恭繳。如子孫有在他省者。即呈明現在省分督撫提鎮代為恭繳。如隱匿收存。查出治罪。○又議准。提鎮密封陳奏之事。關係重大。彼此

開通商酌。以致漏洩。一經發覺。按事輕重議處。  
○又奏准。各省提塘發鈔本章。必須謹慎。有應  
密之事。必俟科鈔到部十日之後。方許鈔發。如  
有邸報先於部文者。該督撫將提塘叅處。○又  
奏准。提鎮題奏本章錯誤。罰俸一月。○三十四  
年奏准。恭遇

諭旨內有宣示中外知之者。該提鎮等衙門。俱刊刻  
謄黃。張挂曉諭。如有不行宣示者。罰俸一年。○  
又議准。外省文武各衙門。凡有奏事之責者。毋  
論正任署任。所有奏案稿底。如奉



旨准行事件。辦理未竣。必需後任接辦。及所奏雖未  
准行。仍應存案備查者。均於內署彙冊。鈐蓋印  
信。恭照

廷寄

諭旨密封面交之例。封交後任。以便查覈接辦。儻舊  
任官不行移交者。即照經手遺漏例議處。○三  
十五年議准。提鎮請示咨報之案。若係必須奏  
請之事。無論應准應駁。兵部即據咨議。准議駁  
具奏。並將應奏不奏之提鎮附叅。交部查議。○  
又奏准。職任官員違例填給牌文。給予不應給

之人者革職。○又奏准凡副將參將遊擊都司等衙門一切案件。如不自作主張假手營書致令作姦者。照溺職例革職。督撫提鎮不行題參。照不叅劣員例降二級調用。○三十八年覆准各部院衙門。如有奏准及議覆應行發鈔事件。該承辦衙門即將原奏鈔錄鈐蓋印信。發交值季提塘。按日刊刻頒發。仍令該提塘將發鈔底本及原奏印文。按十日彙報兵部存案。若承辦衙門並未發交。該提塘等混行刊刻傳布者。一經查出。即將該提塘查叅。照例議處。○四十一

年議准。嗣後各省營縣承造一切冊結。有不合  
式。可於題咨後補送者。由司道覈轉。即行更正。  
彙造。將底冊發換存案。其中並無因舛錯遺漏  
以致遲延之處。該督撫量為記過。統入年終彙  
報功過冊內。咨部查覈。若必須營縣另造。隨同  
送部之件。如有舛錯遺漏。覈明更正。駁回另造。  
以致遲延。該督撫仍於題咨時。將遲延緣由。隨  
案聲明。覈其或因舛錯。或係遺漏。悉按例分別  
議處。其豫印空白之處。嚴行禁止。○嘉慶六年  
奏准。保題官員。督撫提鎮有應列名會稿者。出

具會題印結。隨本送部。如有遺漏。照經手遺漏  
例。罰俸一年。○又奏准。提鎮題奏本章內。錯寫  
官銜。從旁添字。或錯字者。照本章錯誤例。議處。  
○又奏准。督撫提鎮請示咨報之案。若係必須  
奏請。兵部於議准議駁時。並將應奏不奏之提  
鎮附叅。議以降二級留任。督撫交吏部查議。○  
又奏准。提鎮將督撫職掌事件。擅自題請。照違  
令公罪例。罰俸九月。○又奏准。武職官將地方  
不可施行之事。妄行條奏舉行。經後任復請更  
改者。將原奏之員。照言官撝拾具奏例。降一級。

調用。儻原奏本是。而後任官妄行指摘。或有意  
翻案者。照與前任不合。有意苛求例。降二級調  
用。○又奏准。武職守備以上等官。緣事實降實  
革。題本送閣時。兵部將該員出身歷任。及出兵  
何處。並本案議革議降緣由。夾片聲明。其因海  
洋盜案實降實革。題本送閣時。毋庸夾片聲明。  
○又奏准。官員將襲官

敕書。收存不慎。以致遺失。當即具報者。降一級。隱匿  
不報者。降二級。俱留任。○又奏准。

敕書

詰命劄付關防等項。如係自行疏失者。罰俸一年。

十二年奏准。官員將

詰命

敕命自行疏失者。議處。其被水火盜賊毀失。查有實據。免其議處。另行題請重給。其襲官

敕書。被水火盜賊毀失。亦應一律免議。仍准題請重給。○道光三年奏定。直省題奏各衙門。將裝本原箱嚴密封固。令提塘及齋本差役。將裝本原箱齋送通政司查閱。如內裏微溼破損。將題奏本官罰俸六月。外面微溼破損。係專差齋進。將

差官罰俸六月。差役笞四十。由驛遞送進者。挨查各驛。於何處徼溼破損。將該驛馬夫笞四十。司驛官罰俸兩月。○又奏定。官員將欽奉

諭旨及

特旨交辦事件遺失遺漏者。經手之員。降一級留任。罰俸一年。如係尋常事件。降一級留任。○又奏定。提督總兵將督撫職掌事件擅自題請者。罰俸一年。○七年

諭。明保係總兵降用副將人員。例本不應遞摺。其在署臺灣鎮總兵任內。因所屬安平協地方。有營兵搶毀

米船一案。意存諉卸。被叅降調。毫無屈抑。自應靜候部選。輒敢呈遞封章。求賞差使。實屬不安本分。膽大妄為。明保著即革職。交該旗嚴加管束。○九年奏定。臺站官員。接遞新疆等處公文冊籍。未能包護如法。以致破損者。將原遞站弁及專管各官。均罰俸六月。○又奏定。造送尋常一應冊籍。不關繫錢糧者。若有舛錯遺漏。造冊官罰俸三月。轉報官罰俸一月。如有遲延。照無關錢糧冊結違限例。各按月日分別議處。○又奏定。各省塘驛遞送公文冊籍等項。儻有沈匿。即詳報上司題



叅按其角數。照鋪兵罪名減二等議處。其沈匿  
平常公文者。一角。該管官罰俸六月。二角。罰俸  
九月。三角。罰俸一年。四角。降一級留任。五角。以  
上。降二級留任。如官員親齎文移。匿失者。照此  
例加一等議處。若干涉軍情機密一切文移。無  
論官員兵丁。遞送及匿失多寡。俱革職提問。

十三年

諭。瑚松額等奏查明提督馬濟勝因節次奏報各摺遲  
延。誤以為傳牌內不填里數所致。率於奏報馳赴鳳  
山拏辦粵匪一摺。傳牌內填寫限行六百里字樣。實

屬錯誤。馬濟勝著交部議處。欽此。遵

旨議准。嗣後尋常摺奏由驛接遞。不得輒限四五百里。儻有混行填發者。降一級調用。○咸豐元年奏准。內外武職大臣。被人叅劾。並不靜聽部議。候

旨裁奪。妄自具摺陳辯者。降三級調用。○同治十年奏准。內外武職大臣。如有已將奏摺呈遞。復向奏事處私行撤出。及擅撤他人奏摺。係因原摺錯誤。查無情弊者。均照不應重律私罪。降三級調用。若有迴護徇私等情。從重議以降五級調

用。至屬員被上司揭叅擅行撤回者。革職交刑部治罪。其原發奏摺之員。如明知撤回不行叅奏。照應奏不奏律私罪。降三級調用。若止叅奏。遲延。照應奏不奏律公罪。降二級留任。○光緒四年奏准。內外武職大臣。於奉

旨飭查事件。含糊題奏者。降一級留任。其屬員呈請上司代題代奏事件。如不將實在情節逐細聲明者。將呈請之員亦降一級留任。該上司不行查明率為題奏者。罰俸一年。如奉

旨回奏並不據實回奏者。降一級調用。○五年奏准。

官員奏事。誤將摺底併遞。以致摺片重複者。罰俸一年。本章漏寫年月者。罰俸三月。

儀制。○康熙十四年題准。

聖駕巡幸所過地方。守備以上等官接送之處。臨時由鴻臚寺具奏請。

旨。如所定里數之內。有一次不到者。罰俸一年。兩次不到者。降二級調用。○三十九年覆准。官兵人等越分僭用服色。如五爪龍立龍團龍補服之類者。係官革職。係兵枷一月。責四十板。僭用之物入官。未經查出之專管官。每案罰俸三月。兼

轄官每二案罰俸三月。統轄官每三案罰俸三月。僭用尋常服色者。係官罰俸一年。係兵責二十板。未經查出之專管官。每案罰俸一月。兼轄官每二案罰俸一月。統轄官每三案罰俸一月。○四十二年覆准。武職各官。於應用朝服之日。不用。及違例錯用者。罰俸一月。○又覆准。外任武職各官辭朝。不投職名者。罰俸三月。○雍正二年定。官員帽頂補服坐褥。皆有等級。不得越本職僭用。嗣後凡加級官員。該管大臣務查其於何任加級。及何處捐納。儻不行嚴察。仍有僭

用者。一併議處。○八年奉

旨。內外文武大小官員帽頂補服坐褥等項。悉照本身現任品級。不得藉稱加級。以開僭越之端。在京著有稽察之責者。嚴行稽查。在外著該管上司稽察。儻有不遵。除將本人議處外。其失察之官。一併處分。○十三年議准。盜甲旗纛軍裝等項。除考驗日期。及本管大員經過查點。准其穿戴披執外。至一應欵差及往來大員經過之時。該營汛弁兵有違例披執迎送者。將該管官罰俸一年。○又議准。提鎮赴任。所屬官弁於是日迎接。除隨役外。司事兵

旨。督撫有節制重寄。而提鎮乃彈壓大員。凡到任離任。及因公出境入境。例應具題者。所以慎職守。重封疆也。查川陝江西等省。提鎮與總督隔省。駐紮遙遠。無赴省相見之例。惟雲南廣東浙江福建等省。有因赴任之初。由省而見總督者。有因巡查地方。離省不遠。

順便謁見者。蓋因苗疆重地。或濱海要區。當日軍務倥傯。海氛未靖之初。是以不行題達。竟赴省城與總督面商機務。此乃一時權宜。遂爾相沿成習。此時若不酌定條規。恐大小官弁。視為固然。徒長奔競趨謁之風。而不顧職守之曠誤與否。是不可不防其漸也。嗣後提鎮之與總督。若係平常事件。止許文移來往。如有緊要公務。必須親見總督面言者。或總督有應行檄調面議者。俱將因公起程及回署日期。繕疏題明。永著為例。○六年奏准。副將參遊都守等官。習安養情。並不乘馬。擅自違例乘轎者。革職。○又奏



准官員帽頂補服坐褥。各照本身現任品級。不許計算加級。違者罰俸六月。該上司失察者。罰俸三月。其補服頂戴不相符者。亦照此例議處。○又奏准。屬官多帶兵丁越境迎送上司。有因事營求。或乘便賄賂者。革職提問。如止出境迎送。並無營求賄賂者。罰俸九月。至上司必欲屬官越境迎送。屬官畏其威勢迎送者。如有勒索情弊。或被屬官詳揭。或經督撫叅劾。將上司革職提問。如止令迎送。無勒索情弊者。罰俸一年。其迎送之屬官免議。○十三年奏准。

聖駕巡幸。有民人申訴。如去。

御路稍遠。不在官兵管轄之內者。專汎官罰俸三月。

兼轄官罰俸一月。○二十二年

諭外省駐防將軍及綠營之提鎮。出行則皆乘輿。夫將軍提鎮有總統官兵之責。若養尊處優。自圖安逸。亦何以表率營伍。而作其勇敢之氣。况旗人幼習騎射。即綠營中亦必以其弓馬優嫺。始厯加升用。乃一至大僚。轉至狃於便安。忘其故步。此豈國家簡擢之意耶。京師都統副都統既皆乘馬。而滿洲侍郎則無論年逾六旬。亦俱不得乘輿。即朕巡省所至。尚每日乘

馬而行。乃外省武職獨相沿陋習。此甚非宜。嗣後將軍提鎮概不許乘輿。其編設轎夫。並著裁革。如有仍前乘坐者。照違制例治罪。○又

諭。今日朕至杭州省城。其接駕之綠營兵丁。有奏簫管細樂者。夫身隸行伍。當以騎射勇力為重。戍樓鼓角。不過用肅軍容。即古者饒歌鼓吹之詞。亦以鳴其得勝之氣耳。若彈絲吹竹。技近優伶。豈挽強引重之夫所宜相效。此等綠營陋習。各省均所不免。可傳諭各該督撫提鎮等。轉飭所屬標營。嗣後營伍中但許用鉦鼓銅角。其簫管細樂。概行禁止。○二十三年覆准。

武職衙門應用辦公之人役。准其酌帶馬步兵丁。仍令呈報該管上司查覈。其平常跟役。准於餘丁內輪直。儻將在伍兵丁任意役使。該管上司查叅。照例議處。○二十五年奏准。月選各官及題升揀發豫行保舉。並揀發衛守備。分別營衛之千總。軍政卓異保列一等。及降調革職奉恩旨從寬留任之員。兵部開列職名。移送鴻臚寺。定期傳令謝。

恩。如有患病丁憂事故。不能依限赴寺者。該員自行呈明鴻臚寺查覈。補行謝。

恩。儻有無故逾限不到者。鴻臚寺查叅。將該員罰俸一年。○二十九年

諭。前因各省將軍都統等所轄弁兵濫行差遣。及私事隨帶役使。漫無節制。曾經酌定額數。旋以該弁等往來道途。遠離職役。或致貽誤操防。因降旨概行飭禁。今據大學士尹繼善奏稱。將軍督撫等來京陛見。祇候宮門。僕從所不能到。若無有職人員。供其使令。亦多未便。嗣後仍著照原定額數。酌帶給用。但不得任意多派。致地方營伍曠弛。著通諭各將軍都統督撫提鎮等知之。○三十二年奉

旨。各省將軍大臣等。嗣後除巡查該管地方按臨閱操。及來京陛見回任。照例准帶親丁外。其調任攜帶官兵跟隨之處。永行禁止。儻仍違越。經朕訪聞。嚴加治罪。○四十九年奏准。武職各官。毋許彼此換帖。除調考之外。不得託故上省。上司屬員。毋庸燕會。各該督撫時加約束稽查。年終彙奏。違者本員降三級調用。上司降一級留任。○嘉慶四年

諭。前於乾隆二十二年

高宗純皇帝曾經降旨。通飭各直省駐防將軍副都統。提鎮各員。以武職大員。理應訓練兵丁。勤習操演。如

有自耽安逸。輒行乘轎者。必嚴加懲治。

聖諭至為明切。乃近年以來。日漸廢弛。朕聞各省。不但將軍提鎮等公然坐轎。即副參以下。多有坐轎出入者。現閱直隸提督衙門兵馬冊檔內。開有轎夫十八名。俱係戰兵充役。而涼州副都統亦以該處城守尉擅行坐轎。叅奏。可見外省大小武職。相習偷安。違例乘轎。竟同一轍。又安望其為各營表率。況武職官員。即自行雇夫擡轎。已屬違例。乃竟以戰兵充役。此風尤不可長。著再行通諭各省駐防將軍副都統等。及提鎮各員。嗣後如再有違例乘轎者。或經叅奏。或經

訪聞。必治以應得之罪。如駐防城守尉以下綠營副  
參以下有犯。尤當從重治罪。決不稍貸。○六年奏准。  
承襲漢世職人員。引

見奉

旨。後應行謝

恩。其無故逾限不到者。照武職官員謝

恩例。覈辦。○七年奉

旨。番役一項。專司緝捕盜犯。原與隸卒無異。凡各衙門  
皂役人等。例不准其為官。其子孫亦不准應試。則番  
役自應比照此例。以昭畫一。乃從前步軍統領衙門。



往往因番役拏獲要犯。輒奏請賞給頂戴。如番子頭役。洵賞守備職銜。且子孫並有應試出仕者。殊不足以別流品而重名器。嗣後步軍統領衙門。遇有番役緝捕勤奮。止准量加獎賞。即實有拏獲要犯者。亦止可從優加賞。毋許給予頂戴。儻再行濫請。即以違制論。○十一年

諭。京外文武各大員。於升補後更換頂戴之處。前經大學士等會同該部詳議具奏。業經降旨通行。所有在京各員。一經謝恩瞻叩。自應即將頂戴更換以符體制。乃新授盛京侍郎成格。於上月二十九日降旨補

放後。次日朕由南苑進宮時。該侍郎已於道旁叩頭謝恩。迨至本月初一日召見之時。尚未更換頂戴。當經詢以因何不換頂戴之故。據稱因未蒙召對。是以不敢更換頂戴等語。殊屬拘泥糊塗。叩頭謝恩。即係見面。與宮中召對何異。試思在京補放人員。往往有具摺謝恩。不即召見。或隔至數日始行召見者。豈遲之又久。均不更換頂戴乎。嗣後在京各大員。凡係加恩升補。其應行遞摺謝恩。豫備召見者。若於是日召見。應俟召見後更換頂戴。若得旨後。先經在道旁叩頭謝恩者。即著於叩頭後更換頂戴。毋庸俟至召見。

後。至遇朕巡幸之時。其前來行在具摺謝恩。豫備召見者。均照此行。如有降旨不令前赴行在者。亦著於奉到發回謝恩摺時。一律更換頂戴。此外京員內有具呈代奏謝恩者。並著於奏聞後。即將頂戴更換。至外省各大員於奉到部文後。應行具摺謝恩來京。陸見如准令來京。自應於瞻覲後更換頂戴。其有旨且緩陛見者。並著於謝恩摺批迴後。即行更換頂戴。以昭定制而示遵守。○十五年定。同在一省之上司屬員。概不得於現任內結親。違者照違令私罪例。罰俸一年。○道光三年奏定。武職官員丁憂不

開明嫡母親母繼母生母。及有無過繼為祖父  
母承重者。不開明是否嫡長子孫有無伯父及  
伯父各子。俱罰俸六月。若咨題供結內有一處  
開明者。免其議處。○又奏定武職官員匿喪捏  
喪者。俱革職。不准援

敕。聞喪不報。擅自離任者。降二級調用。丁憂患病等  
官。不候督撫給咨。擅自回籍者。罰俸一年。○又  
奏定武職有應迴避之缺。不行申報迴避者。降  
一級調用。○又奏定武職上司。將伊所屬末弁。  
如有事故。不行題參。任意笞辱者。罰俸一年。如

笞辱守備以上官員者。降二級調用。○又奏定。武職官員。升任別省。止准將原隨親丁帶往。其營內經制之兵。不許帶往新任。若將經制兵帶往新任。十名以下者。罰俸一年。十名以上者。降一級留任。○又奏定。調補臺灣武職。所帶人役。總兵副將三十名。參將遊擊都司二十名。守備以下等官十名。旗員外任綠營武職。照漢官加一倍。如違定數多帶者。降一級調用。○又奏定。武職擅受民詞。及接受兵丁控告戶婚田土等事。呈詞加看移送者。降一級調用。該管上司失

於查察。罰俸一年。如不移送有司擅行批斷者。降三級調用。失察之該管上司。降一級留任。若上司自行查出揭叅者免議。○七年

諭。嚴烺奏叅不遵定制藐抗道員之都司一摺。山東運河道兼兵備銜。各協營都司以下。應聽節制。乾隆年間。久經部議通行。乃濟甯城守營都司徐萬榮堅執。遠年未經修改會典內有掌印僉書都司見各道平行一語。輒與運河道文移。抗不相下。經該署河督查明。新修會典發給閱看。並面為開導。猶復盛氣相向。藐抗不遵。實屬蔑視上官。故違定制。徐萬榮著先行

撤任。交部嚴加議處。十二年奏准。外省揀發營員。如不將本身現有二十七月服制未滿緣由呈明。希圖保送。有心蒙混者。降一級調用。失於詳查官。罰俸一年。自行檢舉之該管大臣。罰俸六月。○咸豐五年

諭。武職大員。有操練兵弁之責。理應騎坐馬匹。以習勤勞。儻有自耽安逸。平時出入。違例坐轎。一旦身臨行陣。安望其奮勇爭先。為弁兵表率。向來武職坐轎。例禁綦嚴。犯者必加懲治。曾於乾隆嘉慶年間。疊奉聖諭。訓誡明切。自應永遠恪遵。乃近年以來。漸就廢弛。

上年浙江黃巖鎮總兵湯倫。即以擅坐肩輿被叅。本日復據御史宗稷辰奏。浙省武職大員。類皆違例坐轎。甚至閩省來浙之偏裨小校。亦多效尤等語。浙省如此。他省亦恐不免。現在粵匪未靖。徵兵會勦。各省武職大員。應如何實心操練。勤習技藝。以期緩急足恃。若惟知自圖便安。不思振作。將來營伍積弊。更不可問。著再通諭各直省駐防將軍。副都統等。及提鎮各員。儻有違例坐轎者。一經奏叅。必治以應得之罪。其駐防城守尉以下。綠營副將以下。犯者尤當從重治罪。決不寬貸。○八年



諭駱秉章奏武職大員乘坐肩輿私役弁兵請先行交部嚴議一摺。湖南永州鎮總兵樊燮違例乘坐肩輿。本年陞見出省。私帶兵弁三十餘名之多。護送同行。其眷屬寄寓省城。復派外委李士珍等藉差進省。照料家務。聞該撫嚴查。始行回營。永州鎮毗連兩廣。現當賊氛未靖。邊防緊要之時。該總兵以專閫大員。玩視軍務。希便私圖。實屬膽玩。樊燮著交部嚴加議處。即行開缺。○光緒七年議准。地方官在任。百姓製造萬民衣。繳致送。並離任脫鞵等事。最為陋習。久經飭禁。如有違禁收受者。照違

制律革職。

印信。○順治初年定武職各官一應文移。皆鈐用印信。無印信者。鈐用關防條記。均編列號數。封發。不許擅用空白。致滋假捏增減之弊。若有擅用空白者。罰俸一年。督撫提鎮不能查出者。罰俸六月。○康熙三十三年議准。武職各官印信模糊。不詳請換鑄者。罰俸六月。督撫提鎮不據詳題咨者。亦罰俸六月。若已換新印。不將舊印繳部者。亦照此議處。○又議准。提鎮到任前一日。署事官將印信關防等項。遣官齎送。○乾

隆四年議准。武職各官來往文移。及呈報上司事務。均於正面及年月之上。鈐用印信。內有黏補字樣。及增註錯落接扣之處。皆以印信鈐蓋。有漏用者。罰俸一年。○五年議准。武職衙門有印信者。於封印前一日。酌量應需文冊封套牌劄等項之數。准將印信豫用空白。加謹收存。以備封印後。遇有緊要之事填用。仍登記用過數目。開印日。將未用者。驗明銷毀。如收用不謹。以致混冒作弊。按其事之大小。照例議處。不能查出之上司。罰俸六月。○三十五年奏准。武職署

事官兼轄官。錯用倒用印信。罰俸三月。至於私書手本。及田房稅契等項。用關防條記鈐蓋。並將定例後事件。作為定例以前年月日期。用印給予者。均降一級調用。○又奏准。武職各官領受印信關防。及官刻圖記鈐記條記之時。不將錯誤之處。查驗呈明更換。日後被人查出者。罰俸六月。○嘉慶六年奏准。封印前一日。所用空白文移封套並牌劄等項。如官吏藉端作弊。交部治罪。其該上司不行查叅。罰俸一年。○又奏准。各省武職應領印信關防。經部題准。均以接

准部覆之日。限四月內領取。提鎮派員赴部呈  
領。副將以下詳明督撫派員。或附差便委員咨  
領。如逾四月之限。不派員呈領之提鎮。及不行  
詳明請領之副將以下等官。均罰俸三月。○十  
二年議定。查吏部條奏內稱。吏役私雕本官印  
信。姦徒私雕偽印。行用後自行訪聞。與別經告  
發。始行拏獲者。情節不同。如行用後自行訪聞。  
應予免議。若行用後。直至告發。始行拏獲。應照  
本例減等議處。文武事同一律。應照吏部原奏  
辦理。如兵丁私雕本官印信。失察之本官。降二

級調用。描摹本官印信。降一級調用。如姦徒私雕偽印。已經行用。失察行用之地方武職。降一級留任。未經行用。罰俸六月。描摹印信。已經行用。該地方武職。罰俸三月。自行訪聞拏獲者。均免議處。若別經告發始行拏獲者。仍各照本例酌減議處。應降級調用者。減為降級留任。降級留任者。減為罰俸一年。罰俸一年者。減為罰俸六月。罰俸六月者。減為罰俸三月。罰俸三月者。減為罰俸一月。如犯被鄰境別汛拏獲。仍照本例議處。○又議定。原例武職署事兼攝等官。錯

用印信。俱罰俸三月。若將印信倒用者。亦照此例處分。查律載倒用印信杖六十。定例官員犯杖六十公罪者。罰俸一年。未免語涉含混。應將倒用印信處分。改為罰俸一年。○道光三年奏定旗員身任綠營。如有告病丁憂及緣事降革回旗者。該員呈明督撫給予兵牌。若遺漏呈明請給兵牌者。罰俸一年。○又奏定內外武職衙門往來文移差票傳單。及呈報上司事件。俱鈐蓋印信。如有倒用印信及漏用印信者。俱罰俸一年。如署事官及兼管官員錯用印信者。罰俸

三月。○又奏定文武大臣官員遇有應奏事件。將奏摺夾敘外用綿榜紙封固。接縫處鈐蓋印信。至

欽差

簡用出京赴任者。沿途有摺奏事件。先咨取兵部印花。其來京

陸見在外奉差出境調任他省。隨帶本職印花以備應用。如有遺漏黏貼印花。照遺漏用印例罰俸一年。○十五年題准武職因公他出。將鈐記存儲公寓。被民居失火延燒以致毀失者。本員罰



俸一年。○二十一年奏准。嗣後在京在外武職各官。遺失印信。如係本官自行收掌。或帶行寓存儲者。革職。係在署封儲者。有該班直宿官員。專司監守之員。革職。有印官革職留任。俱公罪。五日拏獲。未經行用者。減為降一級調用。已行用者。降二級調用。一月內拏獲。未經行用者。降三級調用。已行用者。降四級調用。有印官自行收掌。將有印官降調。其非有印官自行收掌者。即將專司監守之員降調。有印官俱減照所降之級留任。俱公罪。如非自行拏獲者。仍不准減。

議至若印信在署封儲。或隨帶公出。猝遇水火。毀失。有實迹可據者。革職留任。其在署有專司監守。及公出曾派齋送者。即將監守齋送之員。革職留任。有印官俱減為降三級留任。五日內自行尋獲。准開復原叅處分。仍分別減議。革職留任者。減為降一級留任。降三級留任者。減為罰俸二年。一月內自行尋獲。係革職留任者。減為降二級留任。降三級留任者。減為降一級留任。俱私罪。如非自行尋獲者。亦不准減議。○咸豐五年題准。官員在籍辦公。輒刻用關防。查無

需索騷擾情事者。降二級留任。○光緒七年奏  
准。盜用印信之案。該管官自行查出者。免議。若  
失察盜用已行者。降一級調用。未行者。罰俸一  
年。如於行用後自行查出究辦。減為降一級留  
任。尚未行用。別經發覺。自能獲犯究辦。減為罰  
俸六月。